



“МАРКАЗИЙ ОСИЁ — ЕВРОПА ИТТИФОҚИ” САММИТИ БЎЛИБ ЎТДИ

Ўзбекистон Республикаси Президенти Шавкат Мирзиёев 27 октябрь куни Остона шаҳрида “Марказий Осиё — Европа Иттифоқи” биринчи саммитида иштирок этди.



Тадбирда Европа кенгаши Президенти Шарль Мишель, Қозоғистон Республикаси Президенти Қосим-Жомарт Тоқаев, Қирғиз Республикаси

Президенти Садир Жапаров, Тожикистон Республикаси Президенти Эмомали Раҳмон ва Туркменистон Вазирлар Маҳкамаси Раисининг ўринбосари

Ҳожамират Гелдимиратов ҳам қатнашди. Кун тартибига мувофиқ, сиёсий мулоқотни ривожлантириш, ҳудудлараро алоқаларни

кенгайтириш, савдо-иқтисодий ҳамкорлик ва маданий-гуманитар алмашинувни фаоллаштириш истиқболлари муҳокама қилинди.

Президент Шавкат Мирзиёев ўз нутқида Янги Ўзбекистондаги ортга қайтмас тус олган ислохотларнинг асосий устувор вазифаси самарали фаолият кўрсатадиган бозор механизмларига, юқори ҳаёт даражаси ва қўлай турмуш шароитларига эга кучли ҳуқуқий давлатни барпо этишдан иборат эканини таъкидлади.

— Биз эришган муваффақиятларимиз билан чеқланмаймиз ва янги ўзгаришлар қўламини янада кенгайтиришни ўз олдимизга мақсад қилиб қўйганмиз. Бу ўринда гап, аввало, қонуннинг сўзсиз устуворлиги, фуқаролик жамияти институтларини ҳар томонлама қўллаб-қувватлаш, инсон ҳуқуқлари ва гендер тенгликни, сўз ва эътиқод эркинлигини таъминлаш ҳақида бормоқда, — деди давлатимиз раҳбари.

Иқтисодий соҳада бундан буён ҳам тадбиркорлар учун энг қўлай шароитларни яратиш, коррупцияга қарши муросасиз курашиш, рақобат ва инновацион бизнес муҳитининг ривожланишини рағбатлантириш давом эттирилиши қайд этилди.

Яхши қўшничилик ва минтақавий шериклини илгари суришга алоҳида эътибор қаратилди.

Шавкат Мирзиёев таъкидлаганидек, “биргаликдаги саяёҳаракатлар натижасида Марказий Осиёда мутлақо янги сиёсий муҳит вужудга келди. Бир неча ўн йиллар мобайнида йиғилиб қолган, ҳал этилишига ҳеч ким ишонмай қўйган қўллаб-қувватлаш бир неча йил давомида бартараф этилди”.

Бугун вазият тубдан ўзгарди. Визасиз режим жорий қилинди, барча ўтказиш пунктлари очилди. Авиакатновлар ва ер транспортда ташишлар кўпайди.

Кооперация алоқалари кучайиб бормоқда, йирик лойиҳаларни амалга ошириш учун инвестиция компаниялари ва бошқа молиявий воситалар фаолияти йўлга қўйилди.

— Албатта, минтақада ҳали ҳам ўз ечимини топмаган масалалар бор. Бироқ ишончимиз комилки, бизнинг кучли сиёсий иродамиз ва умумий бунёдкорлик руҳи минтақадаги қардош мамлакатлар ва халқларни янада яқинлаштиришга хизмат қилади, — деди Ўзбекистон етакчиси.

Минтақамизнинг Европа Иттифоқи билан ҳамкорлигини изчил чуқурлаштиришга қақирар экан, Президентимиз бу борада қатор устувор йўналишларни кўрсатиб ўтди.

Энг аввало, савдо-иқтисодий ҳамкорлиқни ривожлантиришга доир комплекс масалаларни ҳал этиш зарур. Булар:

— саноат маҳсулотларининг Европанинг юқори стандартлари ва техник регламентларига мувофиқлигини таъминлаш;

— ҳозирги мавжуд чекловларни ҳисобга олган ҳолда ЕИ бозорларига чиқиш учун энг мақбул самарали транспорт-логистика коридорларини яратиш, энг аввало, Транскаспий мультимодал маршрутини ривожлантириш;

— европалик истеъмолчилар ўртасида Марказий Осиё мамлакатлари маҳсулотларининг танилиши ва харидоригир бўлиши учун қўшма маркетинг тадқиқотлари ҳамда мақсадли тадбир ва акциялар ўтказиш;

— Европанинг инвестициялари ва технологияларига бўлган катта эҳтиёжни қондириш.

Ушбу масалаларни тизимли равишда ҳал қилиш учун Шавкат Мирзиёев Бош вазир ўринбосарлари даражасида “Европа Иттифоқи — Марказий Осиё” иқтисодий ҳамкорлик қўмитасини таъсис этиш ҳамда “Global Gateway” ташаббусининг мақсад ва вазифаларини қамраб олган ҳолда Савдо-иқтисодий ҳамкорлиқни чуқурлаштириш ва ўзаро транспорт-коммуникация боғлиқлиқни ривожлантириш дастур ишлаб чиқишни тақлиф қилди.

Бундан ташқари, давлатимиз раҳбари Европа томонини минтақамизда қабул қилинган “Яшил кун тартиби” дастурини амалга оширишда фаол иштирок этишга, жумладан, эко-инновациялар, энергия самарадор ва ресурс тежамкор технологияларни кенг жорий этиш, иқтисодиёт тармоқларини рақамлаштириш, “Smart-AKIS” Европа тармоғи ёрдамида “ақлли” қишлоқ хўжалигини ривожлантириш, қайта тикланувчи энергия манбалари имкониятларини ишга солишга қақирди.

Давоми 2-бетда

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ “МАРКАЗИЙ ОСИЁ — ЕВРОПА ИТТИФОҚИ” БИРИНЧИ САММИТИДАГИ НУТҚИ

Хурматли ҳамкасблар! Хурматли жаноб Мишель! “Марказий Осиё — Европа Иттифоқи” биринчи саммитининг барча иштирокчиларини яна бир бор қутлайман.

Тадбирни ташкил этгани учун Қозоғистон Республикаси Президенти, ҳурматли Қосим-Жомарт Кемелевич Тоқаев номига билдирилган миннатдорлик сўзларига қўшиламан.

Биз маъмур форматга амалий ҳамкорликни илгари суриш, ишонч, шериклик ва ўзаро боғлиқлиқни мустаҳкамлаш учун зарур бўлган муҳим мулоқот майдони сифатида қараймиз. Учрашувларимиз мунтазамлик касб этишини қўллаб-қувватлаймиз.

Хурматли саммит қатнашчилари! Пандемия оқибатлари ва замонавий таҳдидларга қарамасдан, биз Янги Ўзбекистонда ортга қайтмас тус олган ислохотлар стратегиясини амалга оширишда давом этмоқдамиз. Самарали фаолият кўрсатадиган бозор механизмларига, шунингдек, юқори ҳаёт даражаси ва қўлай турмуш шароитларига эга кучли ҳуқуқий давлатни барпо этиш бизнинг устувор вазифамиз ҳисобланади.

Марказий Осиё аҳолисининг ярмидан қўли истиқомат қилаётган Ўзбекистонда бугунги кунда фаол демографик ўсиш кузатишмоқда. Бу эса мамлакатимизнинг узоқ истиқболдаги барқарор ривожланиши учун мустаҳкам пойдевор ва қудратли ресурс бўлиб хизмат қилади.

Биз эришган муваффақиятларимиз билан чеқланмаймиз ва янги ўзгаришлар қўламини янада кенгайтиришни ўз олдимизга мақсад қилиб қўйганмиз.

Бу ўринда гап аввало, қонуннинг сўзсиз устуворлиги, фуқаролик жамияти институтларини ҳар томонлама қўллаб-қувватлаш, инсон ҳуқуқлари ва гендер тенгликни, сўз ва эътиқод эркинлигини таъминлаш ҳақида бормоқда.

Биз иқтисодий соҳада бундан буён ҳам тадбиркорлар учун энг қўлай шароитларни яратиш, коррупцияга қарши муросасиз курашиш, рақобат ва инновацион бизнес муҳитининг ривожланишини рағбатлантириш йўлидан борамиз.

Фурсатдан фойдаланиб, мухтарам Президент Мишель, Сизга, барча европалик

дўстларимиз ва ҳамкорларимизга саяёҳаракатларимизни доимий қўллаб-қувватлаб келаётганингиз учун самимий миннатдорчилик билдирмоқчиман.

Хурматли делегациялар раҳбарлари! Мамлакатимизнинг узоқ муддатли ва изчил тараққиёти бутун Марказий Осиёдаги барқарорлик ва фаровонлик билан чамбарчас боғлиқ эканини биз яхши англаймиз. Айнан шу боис, Ўзбекистон яхши қўшничилик ва минтақавий шериклик масаласини қатъий илгари сурумоқда.

Биргаликдаги саяёҳаракатларимиз натижасида Марказий Осиёда мутлақо янги сиёсий муҳит вужудга келди. Бир неча ўн йиллар мобайнида йиғилиб қолган, ҳал этилишига ҳеч ким ишонмай қўйган қўллаб-қувватлаш бир неча йил давомида бартараф этилди. Ҳамкасбларим қайд этиб ўтганларидек, Марказий Осиё давлатлари раҳбарларининг мунтазам Маслаҳат учрашувларининг самарали механизми яратилди.

Биз, аввало, ўзимиз учун умуминтақа хавфсизлиги ва равнақи йўлида келишув сари қадам қўя олишимизни исботлайди.

Жаноб Мишель, Сизга бу ўзгаришларнинг туб моҳиятини тушунишингизда ёрдам берадиган бир неча мисолларни келтириб ўтсам.

Олти йил олдин бизнинг минтақадаги алоҳида мамлакатлар билан чегараларимиз ёпиқ эди. Ўзаро савдо амалда ривожланмай қолган, биз иқтисодий ҳамкорларни минтақа ташқирисидан қидирад эдик. Барқарор коммуникация, транспорт қатновлари ва фаол гуманитар алмашинувлар йўқ эди.

Бугун вазият тубдан ўзгарди. Биз визасиз режимни жорий қилдик, барча ўтказиш пунктларини очдик. Авиатранспорт ва қуруқлик орқали ташувларни тикладик ҳамда уларнинг сонини кўпайтирдик. Ўзбекистон ва минтақа мамлакатлари ўртасидаги товар айланмаси 10 баробар ўсди.

Кооперация алоқалари кучайиб бормоқда, йирик лойиҳаларни амалга ошириш учун инвестиция компаниялари ва бошқа молиявий воситалар фаолияти йўлга қўйилди.

Албатта, минтақада ҳали ҳам ўз ечимини топмаган масалалар бор. Бироқ ишончимиз комилки, бизнинг кучли сиёсий иродамиз ва

умумий бунёдкорлик руҳи минтақадаги қардош мамлакатлар ва халқларни янада яқинлаштиришга хизмат қилади. Ва мен Европа Иттифоқи ушбу эзгу мақсадларга эришишни қўллаб-қувватлашда давом этишига чин дилдан умид билдираман.

Хурматли ҳамкасблар! Биз минтақамизнинг Европа Иттифоқи билан ҳамкорлигини қуйидаги устувор йўналишларда изчил чуқурлаштириб бориш тарафдоримиз.

Саммит арафасида биз Ўзбекистонда савдо-иқтисодий ҳамкорлик соҳасидаги ишлар ҳолатини таҳлил қилдик. Ҳақиқатан ҳам, мамлакатларимиз “GSP+” имтиёзли савдо тизими-га қўшилганидан сўнг Европа Иттифоқи мамлакатлари билан товар айланмасининг ўсиш суръати бизни қувонтирди. Биргина жорий йилнинг бошидан буён юқори қўшилган қийматли ўзбек маҳсулотларининг экспорти қарий икки баробар ошди. Бироқ, афсуски, умумий рақамлар мавжуд улкан имкониятларга ҳозирча мос келмайд.

Давоми 2-бетда

ПРЕЗИДЕНТ ҚАРОРЛАРИ – ҲАЁТДА ВА НАЗОРАТДА

САМАРАЛИ ИЖРО, ЮҚОРИ ТАЛАБЧАНЛИК, ПЎЛАТ ИНТИЗОМ —

аҳоли ва ҳудудларни фавқулодда вазиятлардан муҳофаза қилишнинг ишончли кафолати

Янги Ўзбекистонда олиб борилаётган кенг қўламли ислохотлар жараёнида юртимиз аҳолиси ва ҳудудларини табиий ҳамда техноген офатлар, ёнгин ҳодисалари билан боғлиқ фавқулодда вазиятлардан муҳофаза қилиш вазифаси устувор аҳамият касб этади.

Шундан келиб чиққан ҳолда Фавқулодда вазиятлар вазирлиги республикамиз аҳолиси ва ҳудудларини фавқулодда вазиятлардан муҳофаза қилиш ишларини “Ўз вақтида

огоҳлантириш, қутқариш ва ёрдам бериш” шиори остида ташкил этиб келмоқда.

Бугунги шиддатли даврда самарали ижро, юқори талабчанлик,

пўлат интизом — аҳоли ва ҳудудларни фавқулодда вазиятлардан муҳофаза қилишнинг ишончли кафолати эканини теран ҳис этган ҳолда белгиланган вазифаларни қатъий ижро интизомини таъминлаш орқали бажариш Фавқулодда вазиятлар вазирлиги раҳбарияти ва шахсий таркибининг бош мақсади ҳисобланади.

Давоми 3-бетда

ТАРАҚҚИЁТ МАНЗИЛЛАРИ

Давлатимиз раҳбари ташаббуси билан юртимизда инсон қадрини улуғлаш борасидаги кенг қўламли ислохотлар ҳар бир соҳада олиб борилмоқда. Ҳудудларда янгилаштирилган давом этирилиб, одамларнинг турмуш тарзи янада яхшиланмоқда. Ўзгаришлар ҳар бир шаҳар марказидан тортиб энг чекка қишлоқларгача кириб бормоқда.

ҚАШҚАДАРЁ КЕНГ МИКЁСЛИ ЎЗГАРИШЛАР ОҒУШИДА

Аниқ натижалар кўзга ташланаяпти

Жорий йилнинг 25 октябрь куни Президентимиз раислигида Қашқадарё вилоятини ижтимоий-иқтисодий ривожлантириш чора-тадбирлари бўйича видеоселектор йиғилиши ўтказилди. Мажлисда давлатимиз раҳбари топишриғига биноан, вилоятимиз учун тарихий ўзгаришларга асос бўладиган бир қатор муҳим вазифалар белгилаб берилди.

Президентимизнинг юртимиз ижтимоий-иқтисодий салоҳиятини оширишга қаратилган қарор ва фармонлари ижроси бугун вилоятда ўз аксини топмоқда. Хусусан, тадбиркорлик муҳити яхшилангани ҳисобига жорий йилнинг

ўтган 9 ойда 12 минг 500 та янги тадбиркорлик субъекти ташкил этилиб, улар сони 74 минг 400 тага етди. Тадбиркорлик соҳасини ривожлантириш учун жами 2,4 триллион сўм, шундан “Оилавий тадбиркорлик” дастури бўйича 22 минг нафар талабгорга 561 миллиард сўм кредит ажратилди.

Давоми 5-бетда

Давр шиддат билан ўзгариб, аввалги халқаро мезонларни ҳам ўзгартиришни тақозо этяпти.